

Notificación de concesión dunha subvención ao abeiro da Orde do 30 de xullo de 2024 pola que se establecen as bases reguladoras para a concesión, en réxime de concorrencia non competitiva, de subvencións do Programa de comercio circular e se convocan para o ano 2024 (código de procedemento CO300D).

Para o seu coñecemento e para os efectos oportunos, notifícolle que con data do 08 de outubro de 2024 o director xeral de Comercio e Consumo, por delegación do conselleiro de Emprego, Comercio e Emigración (Orde do 29 de setembro de 2021, DOG núm. 195, do 8.10.2021), ditou resolución de concesión da subvención de conformidade co expresado a continuación:

| Expediente: CO300D-2024-A-278 | | NIF: G36847861 | |
|--|--------------------------------|------------------------------------|----------------------------------|
| Entidade beneficiaria: ASOC EMP IND Y COMERCIANTES ZONA DE TRAVIESAS VIGO AETRAVI | | | |
| Actuación subvencionable | Investimento solicitado | Investimento subvencionable | Importe subvención (90 %) |
| Programa Eco-pack | | | |
| Bolsas de tea de algodón 100% | 11.220,00 € | 11.220,00 € | 10.098,00 € |
| Bolsas de tea de liño 100% | | | |
| Bolsas de tea de cáñabo 100% | | | |
| TOTAL | 11.220,00 € | 11.220,00 € | 10.098,00 € |

O importe desta axuda ten carácter de axuda de mínimos, en virtude da aplicación do establecido no Regulamento (UE) nº 2023/2831 da Comisión, do 13 de decembro de 2023, relativo á aplicación dos artigos 107 e 108 do Tratado de Funcionamento da Unión Europea ás axudas *minimis* (DOUE 15.12.2023, Serie L).

Contra esta resolución, que é definitiva en vía administrativa, cabe interpoñer, no seu caso:

1. Recurso potestativo de reposición perante o conselleiro de Emprego, Comercio e Emigración no prazo dun mes contado desde o día seguinte ao da súa notificación segundo os artigos 123 e 124 da Lei 39/2015, do 1 de outubro, do procedemento administrativo común das administracións públicas.
2. Ou ben, directamente, recurso contencioso-administrativo perante a Sala do Contencioso-Administrativo do Tribunal Superior de Xustiza de Galicia no prazo de dous meses a contar dende o día seguinte ao da súa publicación no *Diario Oficial de Galicia* de conformidade co establecido nos artigos 10 e 46 da Lei 29/1998, do 13 de xullo, reguladora da xurisdición contencioso-administrativa.



De acordo co establecido no artigo 21.5 da Lei 9/2007, do 13 de xuño, de subvencións de Galicia, e sen prexuízo dos recursos que procedan contra a resolución, transcorridos dez días dende a notificación da subvención concedida sen que a entidade interesada comunique expresamente a súa renuncia á subvención, entenderase que a acepta e dende ese momento adquirirá a condición de entidade beneficiaria.

A renuncia á subvención, debidamente motivada, farase por calquera medio que permita a súa constancia de acordo co establecido no artigo 94 da Lei 39/2015, do 1 de outubro, do procedemento administrativo común das administracións públicas.

No caso de que se comunicase a renuncia en prazo, dítarase a correspondente resolución nos termos do artigo 21.1 da dita Lei 39/2015.

Xustificación da subvención

O pagamento da subvención quedará condicionado á presentación, na forma sinalada no artigo 18 da convocatoria e ata o 22 de novembro de 2024, da seguinte documentación:

a) Xustificantes dos investimentos: facturas dos provedores e demais documentos de valor probatorio equivalente no tráfico xurídico-mercantil e con eficacia administrativa, nos termos que se establezan regulamentariamente (importe sen IVE e importe total), en relación cos gastos subvencionables, emitidas dentro do período comprendido entre o 1 de xaneiro de 2024 e a data límite de xustificación.

No caso do programa Eco-pack e programa Re-circular, as facturas, facturas pro forma ou orzamentos deberán indicar expresamente a composición e características do material empregado de cada un dos investimentos solicitados, coa descrición técnica en que se recollan as características do material (porcentaxe de reciclado, condicións de sustentabilidade, orixe orgánico, etc.), que deberá estar garantido por unha certificación ou etiqueta verificable.

Xuntarase relación nominativa dos investimentos segundo o anexo XI, e farase constar a actuación, o número de factura, a data de expedición, a data de pagamento, o expedidor e o importe do investimento.

Os gastos xustificaranse con facturas e demais documentos de valor probatorio equivalente no tráfico xurídico-mercantil ou con eficacia administrativa pagados, en orixinal ou copia.

Cando a persoa beneficiaria non dispoña de facturas electrónicas para a xustificación da subvención, deberá achegar unha copia dos documentos orixinais en papel, de acordo cos procedementos que establece a normativa vixente.



b) Xustificación dos pagamentos: acreditarase a través de transferencia bancaria, certificación bancaria ou extracto de pagamento comprendido entre o 1 de xaneiro de 2024 e a data límite da xustificación. Nestes documentos deberán quedar claramente identificados o receptor e o emisor do pagamento, así como o número de factura obxecto do pagamento e a data deste. Non se admitirán os pagamentos en efectivo.

Así mesmo, non se admitirán como xustificantes os obtidos a través da internet se non están validados pola entidade bancaria ou non dispoñen de códigos para a súa verificación por terceiros na sede electrónica da devandita entidade bancaria.

c) Anexo X, declaración doutras axudas, debidamente asinado.

d) Memoria detallada de todas e cada unha das actuacións realizadas. Identificación de facturas, provedores e pagamentos realizados para cada unha delas.

e) Material fotográfico que acredite a realización das actuacións obxecto da subvención, así como do cumprimento da obriga específica de publicidade do financiamento establecida no artigo 17 destas bases reguladoras.

f) No caso de que as persoas se opoñan expresamente á consulta dos datos, certificacións expedidas polos organismos competentes acreditativas de estar ao día no cumprimento das súas obrigas tributarias e coa Seguridade Social, e de non ter pendente de pagamento ningunha débeda, por ningún concepto, coa Administración pública da Comunidade Autónoma de Galicia.

Se o certificado dispón de código electrónico de verificación coa Administración pública correspondente, poderá presentarse o dito documento sen copia auténtica.

Transcorrido o prazo indicado sen que a entidade beneficiaria presente a documentación solicitada, aplicarase o disposto no artigo 45.2 do Decreto 11/2009, do 8 de xaneiro.

Os órganos competentes da Consellería de Emprego, Comercio e Emigración poderán solicitar as aclaracións ou informes relativos á xustificación do investimento que consideren convenientes. No caso de que non sexan remitidos pola entidade beneficiaria dentro do prazo que se sinale, poderá entenderse que esta renuncia á axuda.

Pagamento

Unha vez recibida a documentación xustificativa da subvención, os órganos competentes da Consellería de Emprego, Comercio e Emigración, antes de realizar o seu pagamento, poderán realizar as actuacións de comprobación oportunas para verificar o cumprimento da actividade subvencionada.



O libramento da subvención aboarase nun único pagamento mediante transferencia bancaria ao número de conta designado pola entidade beneficiaria.

As subvencións minoraranse proporcionalmente se o investimento xustificado é inferior ao orzamento que serviu de base para a resolución da concesión, sempre que estea garantida a consecución do obxecto. En caso de concorrencia con outras subvencións ou axudas, observarase o establecido no artigo 2 das bases reguladoras.

Publicidade

De acordo co artigo 16 das bases reguladoras, as entidades beneficiarias deberán dar a adecuada publicidade do carácter público do financiamento en todas as actuacións que deriven da execución do proxecto, en cumprimento do artigo 15.3 da Lei 9/2007, do 13 de xuño, de subvencións de Galicia.

En caso de que o soporte o admita, deberase incluír a lenda «proxecto de comercio circular cofinanciado pola Xunta de Galicia», en cumprimento do artigo 15.3 da Lei 9/2007, do 13 de xuño, de subvencións de Galicia.

Estas medidas deberán adecuarse ao obxecto subvencionado, tanto na súa forma como na súa duración. No caso de comunicacións ou notas informativas en medios de comunicación, deberá incluírse a referencia de que a actuación foi subvencionada pola Xunta de Galicia.

Santiago de Compostela, na data da sinatura dixital
O director xeral de Comercio e Consumo
Gabriel Alén Castro

